

ТУСГАЙ ЗӨВШӨӨРӨЛ ОЛГОХ СОНГОН ШАЛГАРУУЛАЛТЫН ЖУРАМ

БҮЛЭГ 1

Нийтлэг үндэслэл

1.1. Энэхүү “Тусгай зөвшөөрөл олгох сонгон шалгаруулалтын журам” (цаашид “Журам” гэх)-ын зорилго нь Ашигт малтмалын тухай хуулийн 18, 20, 24.2, 26.9, 49.7 дах заалтуудад заасан үндэслэлээр ашигт малтмалын тусгай зөвшөөрөл (цаашид “Тусгай зөвшөөрөл” гэх) олгох сонгон шалгаруулалтыг зохион явуулахтай холбогдсон харилцааг зохицуулахад оршино.

1.2. Монгол Улсын Их Хурлын 2010 оны 48 дугаар тогтоолоор батлагдсан Монгол Улсын үндэсний аюулгүй байдлын үзэл баримтлалын 3.2.2 дахь хэсэгт тусгасан хөрөнгө оруулалтын тэнцвэртэй бодлогод нийцүүлэн сонгон шалгаруулалтыг шударга, ил тод, олон нийтийн хяналтын дор явуулна.

1.3. Энэхүү журмын дагуу зарлагдсан сонгон шалгаруулалтанд Ашигт малтмалын тухай хуулийн 7.1-т заасан Монгол Улсад татвар төлөгч хуулийн этгээд оролцох эрхтэй.

1.4. Стратегийн ач холбогдол бүхий ордын тусгай зөвшөөрлийн талбайгаас хэсэгчлэн буцаасан, тусгай зөвшөөрөл нь цуцлагдсан эсхүл дуусгавар болгосон талбайг сонгон шалгаруулах журмаар олгох асуудлыг Төрийн захиргааны төв байгууллага нь Ашигт малтмалын тухай хуулийн 9 дүгээр зүйлд заасны дагуу Засгийн газарт уламжлан шийдвэрлүүлнэ.

БҮЛЭГ 2 СОНГОН ШАЛГАРУУЛАЛТ ЗАРЛАХ ТАЛБАЙГ ЯЛГАН БАГЦЛАХ Хоёрдугаар зүйл. Сонгон шалгаруулалт зарлах талбайг ялган багцлах, нийтэд мэдээлэх

2.1. Геологи, уул уурхайн асуудал эрхэлсэн төрийн захиргааны байгууллага (“Төрийн захиргааны байгууллага” гэх) нь ашигт малтмалын хайгуулын тусгай зөвшөөрөл олгох боломжтой сонгон шалгаруулалтын талбайг солбицлоор тодорхойлж, жил бүрийн 2 дугаар сарын 10-ны дотор геологи, уул уурхайн асуудал эрхэлсэн төрийн захиргааны төв байгууллага (“Төрийн захиргааны төв байгууллага” гэх)-д уламжилна.

2.2. Төрийн захиргааны төв байгууллага нь ирүүлсэн сонгон шалгаруулалтын талбайн ерөнхий мэдээлэлтэй танилцаж, сонгон шалгаруулалт явуулах талбайг сонгон дараах журмын дагуу саналыг нь авна:

2.2.1. Төрийн захиргааны төв байгууллага нь тухайн талбай байрлаж буй аймаг, нийслэлийн Засаг даргад бичгээр мэдэгдэх бөгөөд түүнд талбайн зургийг хавсаргана.

2.2.2. Аймаг, нийслэлийн Засаг дарга Ашигт малтмалын тухай хуулийн 17.1-т заасан мэдэгдлийг хүлээн авмагц тухайн талбай байрших сум, дүүргийн иргэдийн Төлөөлөгчдийн Хурлын болон аймаг, нийслэлийн иргэдийн Төлөөлөгчдийн Хурлын Тэргүүлэгчдийн саналыг авч 45 хоногийн дотор төрийн захиргааны байгууллагад хариу өгөх бөгөөд энэ хугацаанд хариу өгөөгүй, эсхүл хуульд заагаагүй үндэслэлээр татгалзсан бол тухайн саналыг зөвшөөрсөн гэж үзнэ.

2.3. Энэ журмын 2.2-т заасан журмын дагуу ирүүлсэн зөвшөөрсөн саналыг үндэслэн Төрийн захиргааны төв байгууллага нь хайгуулын тусгай зөвшөөрөл олгох талбайн солбицлыг Ашигт малтмалын тухай хуулийн 9.1.11-т заасны дагуу Засгийн газраар батлуулна.

2.4. Төрийн захиргааны төв байгууллага нь ашиглалтын тусгай зөвшөөрөл олгох боломжтой талбайг тухай бүр багцлан тодорхойлж, Төрийн захиргааны төв байгууллагад санал авахаар хүргүүлнэ.

2.5. Энэ журмын 2 дугаар зүйлд заасны дагуу ялган бэлтгэсэн талбай нь Ашигт малтмалын тухай хуулийн 17.5, 17.6-т заасан шаардлагыг хангасан байна.

2.6. Засгийн газрын баталсан талбайн солбицлын хүрээнд төрийн захиргааны байгууллага хайгуулын тусгай зөвшөөрөл олгох талбайг ялгаж, төрийн захиргааны төв байгууллагын саналыг үндэслэн сонгон шалгаруулалт явуулахаас 30-аас доошгүй хоногийн өмнө сонгон шалгаруулалтын урилгыг үндэсний хэмжээний өдөр тутмын сонин, хэвлэл мэдээллийн бусад хэрэгслээр нийтэд зарлан мэдээлнэ.

БҮЛЭГ 3. СОНГОН ШАЛГАРУУЛАЛТАНД ОРОЛЦОГЧДЫГ БҮРТГЭХ

Гуравдугаар зүйл. Сонгон шалгаруулалтын урилга

3.1. Сонгон шалгаруулалтын урилгад дараах мэдээллийг тусгасан байна.

- 3.1.1. Сонгон шалгаруулалтын талбайн байршил, талбайн нэр;
- 3.1.2. Талбайн солбицол;
- 3.1.3. Талбайн хэмжээ, гектараар;
- 3.1.4. Сонгон шалгаруулалтын саналыг ирүүлэх хаяг, хүлээн авах ажилтан;
- 3.1.5. Сонгон шалгаруулалтын санал хүлээн авах эцсийн хугацаа;
- 3.1.6. Сонгон шалгаруулалтын саналыг нээх хугацаа, газар;
- 3.1.7. Сонгон шалгаруулалтын босго үнэ;
- 3.1.8. Сонгон шалгаруулалтын үнийн саналыг байршуулах дансны дугаар;
- 3.1.9. Сонгон шалгаруулалтын багц мэдээллийг авах газрын хаяг, үйлчилгээний хураамж, дансны дугаар;

3.2. Сонгон шалгаруулалтын саналыг хүлээн авах эцсийн хугацаа нь Ашигт малтмалын тухай хуулийн 17.4-т заасны дагуу өдөр тутмын хэвлэл, мэдээллийн хэрэгсэл болон төрийн захиргааны байгууллагын цахим хуудсанд сонгон шалгаруулалтын урилга нийтлэгдсэнээс хойш 30 (гуч) хоногоос доошгүй байна.

Дөрөвдүгээр зүйл. Сонгон шалгаруулалтын саналд тавигдах шаардлага, түүнийг хүлээн авах

4.1. Сонгон шалгаруулалтад оролцогч хүсэлт гаргагч этгээд нь сонгон шалгаруулалтад оролцох хүсэлтэд техникийн болон үнийн саналыг хавсарган битүүмжлэн төрийн захиргааны байгууллагад гаргана:

4.1.1 Техникийн саналд дараах бичиг баримтыг хавсаргасан байна:

4.1.1.1. төрийн захиргааны байгууллагын баталсан маягтын дагуу тухайн этгээдийн нэр, шуудангийн хаяг, утас, факсны дугаар, цахим шуудангийн хаяг;

4.1.1.2. тухайн хуулийн этгээдийн улсын бүртгэлийн гэрчилгээний нотариатаар баталгаажуулсан хуулбар;

4.1.1.3. мэргэжлийн боловсон хүчин, техник, тоног төхөөрөмжөөр хангагдсан талаархи мэдээлэл;

4.1.1.4. Монгол Улсад татвар төлөгчөөр бүртгүүлсэн тухай татварын албаны тодорхойлолт;

4.1.1.5. Сонгон шалгаруулалтын босго үнийг Монголбанкинд бүртгэлтэй арилжааны банкинд хугацаатай байршуулсан тухай баталгаа;

4.1.1.6. Хайгуул, ашиглалт, нөхөн сэргээлтийн үйл ажиллагааг явуулах дэвшилтэт арга, аргачлал, технологийн шийдэл;

4.1.1.7. Орон нутагтай хамтран ажиллах тухай шийдэл,

4.1.1.8. Тухайн талбайд гүйцэтгэх хайгуул болон ашиглалтын ажлын төрөл хэмжээ, хугацаа, өртөг, болон байгаль хамгаалахад зарцуулах зардлыг тусгасан төсөл, төсвийн санал;

4.1.2. Үнийн саналыг төрийн захиргааны байгууллагын баталсан маягтын дагуу үйлдэж, санал болгож буй мөнгөн дүнг тоо болон үсгээр бичсэн байх шаардлагатай бөгөөд тоо болон үсгээр бичсэн дүн зөрүүгүй байна. Үнийн саналыг тусад нь давхар битүүмжилсэн байна.

4.2. Сонгон шалгаруулалтын саналыг Төрийн захиргааны байгууллагаас баталсан маягтын дагуу бүрдүүлж, хуудас тус бүрийг дугаарласан байна.

4.3. Сонгон шалгаруулалтын талбайн босго үнийг тогтооходоо нэгж үнийг эрдсийн хуримтлал бүхий талбайд 4500 (дөрвөн мянга таван зуу) төг/га, тусгай зөвшөөрөл цуцлагдсан талбайд 3500 (гурван мянга таван зуу) төг/га, тусгай зөвшөөрөл дуусгавар болсон талбайд 2500 (хоёр мянга таван зуу) төг/га байхаар тус тус тооцох бөгөөд тухайн зарлагдсан талбайн хэмжээнд дүйцэх мөнгөн дүнг “босго үнэ” гэнэ. Босго үнийг сонгон шалгаруулалтанд оролцогч нь энэхүү журмын 5.6-д заасны дагуу байршуулсан байна.

4.4. Сонгон шалгаруулалтанд оролцогч үнийн саналдаа энэхүү журмын 4.3-т заасан босго үнийг оруулж тооцно.

4.5. Сонгон шалгаруулалтын босго үнийг Монголбанкинд бүртгэлтэй арилжааны банкинд хугацаатай байршуулж, баталгаа гаргуулах бөгөөд уг баталгааг сонгон шалгаруулалтын саналын хамт ирүүлнэ. Баталгааны загварыг Төрийн захиргааны байгууллага батална.

4.6. Сонгон шалгаруулалтын саналын “эх хувь” ба “хуулбар хувь” гэсэн 2 (хоёр) хувийг тус тусад нь битүүмжлэн ирүүлнэ. Эх ба хуулбар хувь дахь техникийн болон үнийн саналуудыг энэ журмын 4.1.1, 4.1.2-т заасны дагуу бүрдүүлсэн байна.

4.7. Битүүмжилсэн сонгон шалгаруулалтын саналын хавтасны гадна талын зүүн дээд буланд сонгон шалгаруулалтанд оролцохоор санал ирүүлж буй компанийн нэр, хаяг, холбоо барих утас, сонгон шалгаруулалт зарласан талбайн байршил, нэр, сонгон шалгаруулалтын саналын хуудасны нийт тоо, эх эсхүл хуулбар хувийн аль нь болохыг тодорхой бичсэн байна.

4.8. Сонгон шалгаруулалтад оролцогч хуулийн этгээдийн гүйцэтгэх захирал эсхүл итгэмжлэгдсэн төлөөлөгч нь сонгон шалгаруулалтын урилгад заасан хугацаанд, дурдсан хаягаар лацдаж, битүүмжилсэн сонгон шалгаруулалтын саналыг Үнэлгээний хорооны нарийн бичгийн даргад биечлэн хүлээлгэн өгнө.

4.9. Энэ журмад заасан шаардлагыг хангасан сонгон шалгаруулалтын саналыг Үнэлгээний хорооны нарийн бичгийн дарга хүлээн авч бүртгэлийн дэвтэрт бүртгэх ба сонгон шалгаруулалтын саналын хавтас дээр бүртгэсэн он, сар, өдөр, цаг, минут, бүртгэлийн дугаарыг тэмдэглэж, энэ тухай тодорхойлолтыг оролцогчид өгнө.

4.10. Сонгон шалгаруулалтын санал нь энэ журамд заасан шаардлагыг хангаагүй тохиолдолд Үнэлгээний хорооны нарийн бичгийн дарга тэмдэглэл үйлдэн хүлээн авахаас татгалзсан үндэслэл, буцаасан он, сар, өдөр, цаг, минутыг тэмдэглэсэн тодорхойлолтыг ирүүлсэн саналын хамт сонгон шалгаруулалтын саналыг хүлээлгэн өгсөн этгээдэд буцаан өгнө.

4.11. Шуудангаар илгээсэн саналыг сонгон шалгаруулалтанд оролцуулахгүй бөгөөд ирүүлсэн сонгон шалгаруулалтын саналыг Үнэлгээний хорооны нарийн бичгийн дарга бүртгэлийн дэвтэрт тэмдэглэж, сонгон шалгаруулалтын саналыг задлалгүйгээр албан бичигт хавсарган буцаана. Ийнхүү буцаахдаа энэхүү журмын 4.1.1.1-д заасан холбоо барих утсаар мэдэгдэх бөгөөд мэдэгдсэнээс хойш ажлын 3 (гурав) өдөрт багтаан мэдэгдлийг тухайн оролцогчийн итгэмжлэгдсэн төлөөлөгч хүлээн аваагүй бол энэ тухай тэмдэглэл үйлдэн шуудангийн хаягаар буцаан хүргүүлэх бөгөөд ийнхүү баталгаат шуудангаар явуулснаас хойш нийслэлд ажлын 5 (тав) өдөр, орон нутагт ажлын 10 (арав) өдөр, харин цахим шуудангаар явуулсан баримт бичгийг түүнийг илгээснээс хойш ажлын 5 (тав) өдөр өнгөрснөөр хүргүүлсэнд тооцно.

4.12. Сонгон шалгаруулалтын урилгад заасан хугацаа дуусмагц Үнэлгээний хорооны нарийн бичгийн дарга сонгон шалгаруулалтын санал бүртгэх дэвтрийг хааж, хүлээн авсан багц баримт бичгийг сонгон шалгаруулалт зарласан талбай бүрээр битүүмжлэн сонгон шалгаруулах комиссын даргад сонгон шалгаруулалтын хүсэлт хүлээн авах эцсийн хугацаанаас хойш 1 өдрийн дотор хүргүүлнэ.

Бүлэг 4

СОНГОН ШАЛГАРУУЛАЛТЫГ ЯВУУЛАХ

Тавдугаар зүйл. Үнэлгээний хороо

5.1. Үнэлгээний хорооны бүрэлдэхүүнийг томилох, өөрчлөх асуудлыг Геологи, уул уурхайн асуудал эрхэлсэн Засгийн газрын гишүүний тушаалаар шийдвэрлэнэ.

5.2. Үнэлгээний хорооны гишүүн нь геологи, уул уурхай, зураг зүй, хууль эрх зүйн салбарын мэргэжилтэй, геологийн судалгаа, хайгуул, ашиглалтын төлөвлөгөө, тайланг үнэлэх мэргэжлийн чадвар, туршлагатай байна.

5.3. Үнэлгээний хороо нь дарга, нарийн бичгийн дарга болон гишүүдээс бүрдсэн 8 (найм) хүний бүрэлдэхүүнтэй байна. Нарийн бичгийн дарга нь сонгон шалгаруулалтын саналд үнэлгээ хийх эрхгүй бөгөөд тэмдэглэл хөтөлж, тодорхойлолт, дүгнэлтийн төслийг бэлтгэх, сонгон шалгаруулалтын болон Үнэлгээний хорооны үйл ажиллагааг зохион байгуулах үүрэгтэй.

5.4. Сонгон шалгаруулалт зарласан талбайд ирүүлсэн сонгон шалгаруулалтын санал нь энэхүү журмын 4.1.1, 4.1.2-т заасан шаардлагыг хангаж байгаа эсэхийг шалгах үйл явцыг нээлттэй хэлбэрээр явуулна.

5.5. Үнэлгээний хорооны гишүүдийн 70 (дал) ба түүнээс дээш хувийн ирцтэйгээр сонгон шалгаруулалт хүчин төгөлдөр болох ба комисс нь дараах үүрэгтэй. Үүнд:

5.5.1. Сонгон шалгаруулалтыг урилгад заасан газарт, хугацаанд нь эхлүүлэх;

5.5.2. Сонгон шалгаруулалт явуулах тухай холбогдох тушаал, шийдвэрийг танилцуулах, оролцогчдоос сонирхсон асуудлаар тавьсан асуултанд тайлбар өгөх;

5.5.3. Сонгон шалгаруулалт зарласан талбайд сонгон шалгаруулалтын санал ирээгүй бол энэ тухай тэмдэглэл үйлдэн, Ашигт малтмалын тухай хуулийн 20.4-т заасны дагуу шийдвэрлэх тухай дүгнэлт гаргах;

5.5.4 Сонгон шалгаруулалт зарласан талбайд 1 (нэг) болон түүнээс дээш санал ирсэн бол сонгон шалгаруулалтыг хүчинтэйд тооцох;

5.5.5. Сонгон шалгаруулалт зарласан талбайд ирүүлсэн бүх сонгон шалгаруулалтын санал нь энэ журмын 4.1.1, 4.1.2-т заасан шаардлагыг хангаагүй бол сонгон шалгаруулалтыг хүчингүй болгож, дахин сонгон шалгаруулалт явуулах тухай дүгнэлт гаргах;

5.5.6. Сонгон шалгаруулалтын үйл явцыг нэг бүрчлэн үнэн зөв, бүрэн тэмдэглэх;

5.5.7. Сонгон шалгаруулалтын саналд үнэлгээг үнэн зөв өгөх.

5.6. Үнэлгээний хороо нь “Төрийн нууцын тухай”, “Байгууллагын нууцын тухай”, “Хувь хүний нууцын тухай” хуульд заасан мэдээллийг задлах, нийтлэх буюу тараахыг хориглоно.

Зургаадугаар зүйл. Сонгон шалгаруулалтын саналыг нээх

6.1. Үнэлгээний хороо сонгон шалгаруулалтын урилгад заасан газарт дурдсан хугацаанд сонгон шалгаруулалтын саналыг нээнэ.

6.2. Техникийн саналыг нээх үед:

6.2.1. Сонгон шалгаруулалтын санал ирүүлсэн аж ахуйн нэгжийн гүйцэтгэх захирал эсхүл тэдгээрийн итгэмжлэгдсэн төлөөлөгчийг оролцуулах нөхцлийг Үнэлгээний хорооны нарийн бичгийн дарга бүрдүүлнэ.

6.2.2. Сонгон шалгаруулалтанд оролцогчоос ирүүлсэн саналын хуулбар хувийг нээж, энэ журмын 4.1.1, 4.1.2-т заасан иж бүрдлийг нь нягтлан шалгаж, дэлгэрэнгүй тэмдэглэл хөтлөх ба иж бүрдэл нь бүрэн бол тухайн саналыг хүлээн авна. Хэрэв ирүүлсэн санал нь заасан шаардлагыг хангаагүй бол тухайн саналыг хүчингүйд тооцон үнэлгээ хийхгүй бөгөөд энэ тухай тэмдэглэл үйлдэж, албан бичигт хавсарган сонгон шалгаруулалтад оролцогчийн гүйцэтгэх захирал эсхүл итгэмжлэгдсэн төлөөлөгчид буцаан өгнө.

6.2.3. Саналаа ирүүлсэн оролцогчийн төлөөлөл урилгад заасан газар болон цаг хугацаанд хүрэлцэн ирээгүй бол саналыг задлахгүйгээр хүчингүйд тооцон тэмдэглэл үйлдэж, албан бичигт хавсарган холбоо барих утсаар мэдэгдэнэ. Ийнхүү мэдэгдсэнээс хойш ажлын 3 (гурав) өдөрт багтаан мэдэгдлийг тухайн оролцогчийн итгэмжлэгдсэн төлөөлөгч хүлээн аваагүй бол энэ тухай тэмдэглэл үйлдэн энэхүү журмын 4.1.1.1-т заасан шуудангийн хаягаар буцаан хүргүүлэх бөгөөд ийнхүү баталгаат шуудангаар явуулснаас хойш нийслэлд ажлын 5 (тав) өдөр, орон нутагт ажлын 10 (арав) өдөр, харин цахим шуудангаар явуулсан баримт бичгийг түүнийг илгээснээс хойш ажлын 5 (тав) өдөр өнгөрснөөр хүргүүлсэнд тооцно.

Долоодугаар зүйл. Сонгон шалгаруулалтын саналд үнэлгээ өгөх

7.1. Сонгон шалгаруулалтын техникийн саналыг нээсний дараа нээсэн хуулбар хувийг Үнэлгээний хорооны нарийн бичгийн дарга сонгон шалгаруулалт тус бүрээр нь багцалж, хавтаст хийн лацдаж хадгална. Харин Үнэлгээний хороо нь үнэлгээг хийхдээ шаардлага хангасан сонгон шалгаруулалтын санал тус бүрт хуулбар хувь дээр үнэлгээ хийнэ. Хэрэв үнэлгээний явцад маргаан гарсан тохиолдолд эх хувийг нээж, хуулбар хувьтай харьцуулах замаар маргааныг шийднэ. Сонгон шалгаруулалтын саналын эх ба хуулбар хувь хоорондоо зөрчилдсөн тохиолдолд эх хувийг баримтлана.

7.2. Санал ирүүлсэн оролцогчийн баримт бичгүүдийн бүрдлийг нэг бүрчлэн шалгаж баталгаажуулсны дараа сонгон шалгаруулалтанд оролцогчдод техникийн онооны үнэлгээг нийт үнэлгээний 55 (тавин тав) хүртэл хувьд нь өгнө.

7.3. Сонгон шалгаруулах комиссын гишүүд нь сонгон шалгаруулалтын техникийн саналд доорх шалгуур үзүүлэлтээр үнэлгээг өгнө. Үүнд:

7.3.1. Тухайн талбайд гүйцэтгэх хайгуул болон ашиглалтын ажлын арга, аргачлал, төрөл хэмжээ, хугацаа, өртөг;

7.3.2 Байгаль хамгаалал, нөхөн сэргээлтийн төлөвлөлтийн төсөл, төсвийн санал;

7.3.3 Хайгуул, ашиглалт, нөхөн сэргээлтийн үйл ажиллагааг явуулах, дэвшилтэт арга, аргачлал, технологийн шийдэл,

7.3.4 Орон нутагтай хамтран ажиллах шийдэл,

7.3.5. Оролцогчийн ажлын туршлага;

7.3.6. Мэргэжлийн боловсон хүчин, мэргэшсэн ажилтнаар хангагдсан байдал, түүний чадвар, туршлага;

7.3.7. Хайгуулын болон ашиглалтын үйл ажиллагаа явуулах техник, тоног төхөөрөмжөөр хангагдсан байдлын жагсаалт;

7.3.8. Сонгон шалгаруулалтаар тусгай зөвшөөрөл олгох талбайд улсын төсвийн хөрөнгөөр хийгдэж нөөц нь бүртгэгдсэн хайгуулын ажлын зардлыг нөхөн төлөх нөхцөл зэргийг харгалзана.

7.4. Техникийн саналын үнэлгээг хийхдээ Үнэлгээний хорооны гишүүд нь сонгон шалгаруулалтын үнэлгээний хуудсыг ашиглах бөгөөд гишүүдийн өгсөн үнэлгээний үнийн дүнг нэмж, үнэлгээ өгсөн гишүүдийн тоонд хуваан гаргах бөгөөд бутархай тоог аравтын орны нарийвчлалтай /зуутын орон нь 5 (тав) болон түүнээс дээш байх тохиолдолд зэрэг дэвшүүлнэ/ тодорхойлно.

7.5. Үнэлгээний хороо нь оролцогчдоос ирүүлсэн техникийн саналыг ажлын 10 (арав) өдөрт багтаан үнэлж, сонгон шалгаруулах комиссын үнэлгээний хуралдааны тэмдэглэл үйлдэж, дүгнэлт гаргана.

7.6. Техникийн саналыг үнэлсний дараа Үнэлгээний хороо нь үнийн саналыг нээх ажиллагааг ажлын 1 (нэг) өдрийн дотор хийх бөгөөд Үнэлгээний хорооны нарийн бичгийн дарга нь сонгон шалгаруулалтанд оролцогч хуулийн этгээдийн гүйцэтгэх захирал эсхүл итгэмжлэгдсэн төлөөлөгчийг үнийн санал нээх ажиллагаанд оролцох боломжоор хангана. Үнийн саналыг нээхэд энэхүү журмын 4.1.2-т заасан маягыг ашиглаагүй, эсхүл түүнд заасан мэдээллийг бүрэн тусгаагүй бол үнийн саналд 0 (тэг) оноо өгнө.

7.7. Сонгон шалгаруулалтын үнийн саналд үнэлгээ өгөхдөө хамгийн өндөр үнийн санал ирүүлсэн оролцогчид 45 (дөчин тав) оноог шууд өгнө. Бусад оролцогчдийн тухайд ирүүлсэн үнэ тус бүрийг хамгийн өндөр үнийн саналтай харьцуулах хэлбэрээр оноог доор дурдсан томъёог ашиглан тооцоолно.

$$\text{Оролцогчдын оноо} = \frac{\text{оролцогчийн үнийн санал}}{\text{хамгийн өндөр үнийн санал}} \times 45$$

7.8. Сонгон шалгаруулалтын үнийн саналын үнэлгээг энэхүү журмын 7.7-т заасны дагуу тооцоолсны дараа сонгон шалгаруулалтад оролцогч тус бүрийн техникийн саналд өгсөн үнэлгээг нэмж, эцсийн үнэлгээг гарган үнийн саналыг нээх ажиллагаанд оролцсон оролцогчид зарлана.

7.9. Сонгон шалгаруулалтанд оролцогчдын оноо тэнцсэн тохиолдолд хамгийн түрүүнд өргөдөл өгсөнд тооцогдох оролцогчид тусгай зөвшөөрөл олгоно.

7.10. Үнэлгээний хорооны нарийн бичгийн дарга нь үнийн санал нээх ажиллагааны үед тэмдэглэл үйлдэн Үнэлгээний хорооны дарга, гишүүдээр баталгаажуулна.

Наймдугаар зүйл. Сонгон шалгаруулалтын дүнг зарлах

8.1. Үнэлгээний хороо нь энэхүү журмын 7.8-д заасан сонгон шалгаруулалтын ажиллагааны үр дүнг баталгаажуулан ажлын 3 (гурав) өдрийн дотор сонгон шалгаруулалтанд хамгийн өндөр оноо авсан оролцогчид тусгай зөвшөөрөл олгох боломжтой тухай дүгнэлт гаргаж, Төрийн захиргааны байгууллагын даргад ажлын 3 (гурав) өдөрт багтаан хүргүүлнэ.

8.2. Төрийн захиргааны байгууллагын дарга Үнэлгээний хорооны дүгнэлтийг хүлээн авснаас хойш ажлын 3 (гурав) өдөрт багтаан холбогдох тушаалыг гаргуулах нөхцөлийг хангана.

8.3. Үнэлгээний хорооны дүгнэлт, түүнд үндэслэн гаргасан Төрийн захиргааны байгууллагын даргын тушаалыг үндэслэн Төрийн захиргааны байгууллагын Кадастрын асуудал хариуцсан нэгж нь шалгарсан оролцогчид сонгон шалгаруулалтад шалгарсан тухай, харин бусад оролцогч нарт шалгараагүй үндэслэлийг дурдсан мэдэгдлийг энэхүү журмын 4.1.1.1-д заасан холбоо барих утсаар мэдэгдэнэ. Ийнхүү мэдэгдсэнээс хойш ажлын 3 өдөрт багтаан мэдэгдлийг тухайн оролцогчийн итгэмжлэгдсэн төлөөлөгч хүлээн аваагүй бол энэ тухай тэмдэглэл үйлдэн журмын 4.1.1.1-д заасан шуудангийн хаягаар хүргүүлэх бөгөөд ийнхүү хүргүүлснээс хойш нийслэлд ажлын 5 (тав) өдөр, орон нутагт ажлын 10 (арав) өдөр, харин цахим шуудангаар явуулсан баримт бичгийг түүнийг илгээснээс хойш ажлын 5 (тав) өдөр өнгөрснөөр мэдэгдлийг хүргүүлсэнд тооцно.

8.4. Энэ журмын 8.3-т заасны дагуу сонгон шалгаруулалтад шалгарсан тухай мэдэгдэлд сонгон шалгаруулалтын үнийн санал болон босго үнийн зөрүү, Ашигт малтмалын тухай хуулийн 10.1.4-т заасан үйлчилгээний хөлс, тусгай зөвшөөрлийн эхний жилийн төлбөрийг ажлын 10 өдөрт багтаан төлөх тухай мэдэгдлийг хавсаргасан байна.

8.5. Энэ журмын 8.4-т заасан мэдэгдлийг хүргүүлсэн өдрөөс хойш ажлын 10 өдрийн дотор тусгай зөвшөөрлийг авах боломжгүй тухайгаа мэдэгдсэн, эсхүл эхний жилийн төлбөр, сонгон шалгаруулалтын үнийн санал болон босго үнийн зөрүү, Ашигт малтмалын тухай хуулийн 10.1.4-т заасан үйлчилгээний хөлсний аль нэгийг төлөөгүй бол төрийн захиргааны байгууллага хүргүүлсэн мэдэгдлийг хүчингүй болгож, энэ тухай бичгээр мэдэгдэнэ.

8.6. Төрийн захиргааны байгууллага нь энэ журмын 8.5-т заасан мэдэгдлийг хүргүүлсний дараа сонгон шалгаруулалтад удаахь “хамгийн сайн” үнэлэгдсэн хуулийн этгээдэд хайгуулын тусгай зөвшөөрөл олгох боломжтой тухай, сонгон шалгаруулалтын үнийн санал болон босго үнийн зөрүү, Ашигт малтмалын тухай хуулийн 10.1.4-т заасан үйлчилгээний хөлс, тусгай зөвшөөрлийн эхний жилийн төлбөрийг ажлын 10 өдөрт багтаан төлөх тухай мэдэгдлийг хүргүүлнэ.

8.7. Хэрэв тухайн талбайн сонгон шалгаруулалтанд оролцож шалгарсан оролцогч нь сонгон шалгаруулалтын үнийн саналд тусгасан мөнгөн дүнг энэхүү журмын 8.4 болон 8.6-т заасны дагуу төлөөгүй бол тус оролцогчийн босго үнийг улсын төсөвт оруулж, буцаан олгохгүй.

8.8. Сонгон шалгаруулалтанд шалгараагүй бусад оролцогчийн төлсөн босго үнийг энэхүү журмын 8.3-т заасан мэдэгдлийг хүргүүлснээс хойш ажлын 5 (тав) өдөрт багтаан буцаан олгоно.

8.9. Үнэлгээний хорооны нарийн бичгийн дарга нь сонгон шалгаруулалтыг зохион байгуулсан тухай тайлан бичиж, санал ирүүлсэн материалуудын бүртгэлийг талбай тус бүрээр нь хөтөлж багцлан сонгон шалгаруулалт дууссанаас хойш ажлын ажлын 10 (арав) өдөрт багтаан Төрийн захиргааны байгууллагын Кадастрын архивт хүлээлгэн өгнө.

Есдүгээр зүйл. Тусгай зөвшөөрөл олгох

9.1. Энэ журмын 8.3 болон 8.4-т заасан мэдэгдлийг хүлээн авсан хуулийн этгээд мэдэгдэлд заасан төлбөрийг ажлын 10 өдрийн дотор төлсөн бол төрийн захиргааны байгууллага ажлын 3 өдөрт багтаан хайгуулын тусгай зөвшөөрлийг 3 жилийн хугацаагаар олгож, хайгуулын тусгай зөвшөөрөл болон олгогдсон талбайг тусгай зөвшөөрлийн болон түүний зураг зүйн бүртгэлд бүртгэнэ.

9.2 Сонгон шалгаруулалтын журмаар олгогдсон тусгай зөвшөөрлийн дэлгэрэнгүй мэдээллийг төрийн захиргааны байгууллагын цахим хуудас дээр нийтэд мэдээлнэ.

Аравдугаар зүйл. Сонгон шалгаруулалтанд оролцогчдын эрх, үүрэг

10.1. Сонгон шалгаруулалтад оролцогч нь дараах эрхтэй байна:

10.1.1. Сонгон шалгаруулалтын журамтай танилцах;

10.1.2. Сонгон шалгаруулалтын урилгаар зарласан хэд хэдэн талбайн сонгон шалгаруулалтанд оролцох;

10.1.3. Үнэлгээний хорооны дүгнэлттэй танилцах;

10.2. Сонгон шалгаруулалтад оролцогч нь дараах үүрэгтэй байна:

10.2.1. Энэ журамд заасны дагуу сонгон шалгаруулалтын хүсэлт, бусад баримт бичгийг бэлтгэн хүргүүлэх;

10.2.2. Баримт бичгийг хуурамчаар үйлдэхгүй, худал мэдээлэл хүргүүлэхгүй байх;

БҮЛЭГ 5. БУСАД ЗҮЙЛ

Арванхоёрдугаар зүйл. Журам зөрчигчдөд хүлээлгэх хариуцлага

12.1. Сонгон шалгаруулалтын саналд хавсаргасан материал нь энэхүү журмын 5.1-т заасан бүрдлийн хангаагүй, баримтаар нотлогдоогүй эсхүл илт хуурамч бол Үнэлгээний хороо үнэлгээ хийхээс татгалзаж, энэ тухай хурлын тэмдэглэлд тусгана.

12.2. Сонгон шалгаруулалтын саналыг үнэлэх явцад комиссын гишүүн нь энэхүү журамд заасныг зөрчиж, эрх мэдлээ урвуулан ашигласан бол холбогдох хууль тогтоомжийн дагуу хариуцлага хүлээнэ.

Арвангуравдугаар зүйл. Маргааныг хянан шийдвэрлэх

13.1. Сонгон шалгаруулалтанд оролцогч нь сонгон шалгаруулалтын явцад өөрийнх нь эрх, ашиг нь хөндөгдсөн гэж үзвэл Төрийн захиргааны төв байгууллагад гомдол гаргана.

13.2. Сонгон шалгаруулалтанд оролцогч нь Төрийн захиргааны төв байгууллагын шийдвэрийг хүлээн зөвшөөрөөгүй тохиолдолд холбогдох хууль тогтоомжийн дагуу шүүхэд нэхэмжлэл гаргах эрхтэй.

*Уул уурхай, хүнд үйлдвэрийн сайдын
2017 оны ... дүгээр сарын ...-ны өдрийн
...дугаар тушаалын 2 дугаар хавсралт*

**ТУСГАЙ ЗӨВШӨӨРӨЛ ОЛГОХ СОНГОН ШАЛГАРУУЛАЛТЫН
КОМИССЫН БҮРЭЛДЭХҮҮН**

-oOo-

Уул уурхай, хүнд үйлдвэрийн сайдын
2017 оны ... дүгээр сарын ...-ны өдрийн
...дугаар тушаалын 3 дугаар хавсралт

МАЯГТ 1

**ТУСГАЙ ЗӨВШӨӨРӨЛ ОЛГОХ СОНГОН ШАЛГАРУУЛАЛТЫН
ҮНЭЛГЭЭНИЙ ХУУДАС**

..... оны ... дугаар сарын ... –ны өдөр
.....
(аж ахуйн нэгжийн нэр)

.....
.....
(талбайн нэр) (аймаг, нийслэл) (сум дүүрэг)

Д/д	Үнэлгээний шалгуур үзүүлэлтүүд	Өгөх оноо	Нийт оноо
ТЕХНИКИЙН САНАЛ			
1.	<p>Геологи хайгуулын ажил явуулах төслийн баримт бичгийн үнэлгээ <i>Сонгон шалгаруулалтад оролцогчийн геологи хайгуулын ажлын төслийн баримт бичигт үнэлгээ хийнэ.</i></p> <p>Геологи хайгуулын ажлын талаар: Арга, аргачлал оновчтой, өмнөх судалгааны материалыг бүрэн судалсан -6-10 Арга, аргачлал оновчгүй, өмнөх судалгааны материалыг бүрэн судлаагүй -2-5 Арга, аргачлал оновчгүй, өмнөх судалгааны материалыг судлаагүй бол -1</p> <p>Байгаль орчны хамгаалал, нөхөн сэргээлтийн төлөвлөлтийн ажлын нэр төрөл, түүнд зарцуулах зардал, хэрэгжүүлэх хугацааг харгалзан: Бүрэн хангалттай -4-5 Хангалттай – 1-3 Хангалтгүй-0</p> <p>Ажиллах хүчний талаар: /Төсөлд ажиллах монгол ажилтнуудын тоо, нийт ажилтнуудад эзлэх хувь/ 90%-аас дээш монгол ажилтантай бол-4-5 90 буюу түүнээс доош бол-3</p> <p>Орон нутагтай хэрхэн хамтран ажиллах талаар:/нэр төрөл, түүнд зарцуулах зардал/ Ашигт малтмалын тухай хуулийн 42.1 дэх хэсэгт зааснаас илүү үйл ажиллагаа хэрэгжүүлэх бол-4-5 Ашигт малтмалын тухай хуулийн 42.1 дэх хэсэгт заасныг хангаж байгаа бол-3</p>	<p>30 оноо хүртэл</p> <p>1-10 оноо</p> <p>0-5 оноо</p> <p>3-5 оноо</p> <p>3-5 оноо</p>	

	<p>Хайгуул, ашиглалт, нөхөн сэргээлтийн үйл ажиллагааг явуулах, дэвшилтэт арга, аргачлал, технологийн шийдэл: Дэвшилтэт арга аргачлал, технологийн шийдэл гаргасан-1-5 Дэвшилтэт арга аргачлал, технологийн шийдэл гаргаагүй -0</p>	0-5 оноо	
2.	<p>Геологи хайгуулын ажлын туршлага Сонгон шалгаруулалтад оролцогчийн геологи хайгуулын ажлын туршлага зэргийг харгалзан үнэлнэ.</p>		10 ОНОО хүртэл
	<p>Монголын геологи хайгуул, уул уурхайн салбарт 5-аас доошгүй жил үйл ажиллагаа явуулсан Геологи хайгуул, уул уурхайн салбарт 5 жил хүртэл ажилласан эсхүл бусад салбарт 10-аас доошгүй жил үйл ажиллагаа явуулсан Шинээр үүсгэн байгуулагдсан аж ахуйн нэгж /Тухайн онд үүсгэн байгуулагдсан гэж ойлгоно/</p>	8-10 оноо 4-7 оноо 1-3 оноо	
3.	<p>Мэргэжлийн боловсон хүчнээр хангагдсан байдал, тэдгээрийн туршлага, чадвар Сонгон шалгаруулалтад оролцогчийн геологи хайгуулын ажил гүйцэтгэх мэргэжлийн боловсон хүчнээр хангагдсан байдлыг харгалзан үнэлнэ.</p>		10 ОНОО
	<ul style="list-style-type: none"> • Тус компанид МУ-ын зөвлөх болон мэргэжсэн геологич ажиллах тохиолдолд • Геологич мэргэжлийн үндсэн ажилтантай тохиолдолд • Гэрээгээр геологич ажиллуулах тохиолдолд • Үндсэн болон гэрээт геологич байхгүй бол 	8-10 оноо 6-7 оноо 4-5 оноо 1-3 оноо	
4.	<p>Техник, тоног төхөөрөмжөөр хангагдсан байдал Сонгон шалгаруулалтад оролцогчийн геологи хайгуулын ажил гүйцэтгэх Техник, тоног төхөөрөмжөөр хангагдсан байдлыг харгалзан үнэлнэ.</p>		5 ОНОО
	<ul style="list-style-type: none"> • Тус компани геологи, хайгуулын ажил гүйцэтгэх өөрийн өрөм, геофизикийн багажтай • Тус компани геологи, хайгуулын ажил гүйцэтгэх өрөм, геофизикийн багажны 50-аас доошгүй хувийг түрээсэлдэг • Тус компани геологи, хайгуулын ажил гүйцэтгэх өрөм, геофизикийн багажаа бүгдийг нь түрээсэлдэг 	4-5 оноо 2-3 оноо 1 оноо	
	Нийт оноо		55 ОНОО

Үнэлгээг баталгаажуулсан:

Үнэлгээний хорооны дарга
/...../

Үнэлгээний хорооны нарийн бичгийн дарга
/...../

Үнэлгээний хорооны гишүүд /
..... /

/...../

/...../

/...../

-oOo-

Уул уурхай, хүнд үйлдвэрийн сайдын
2017 оны ... дүгээр сарын ...-ны өдрийн
...дугаар тушаалын 4 дүгээр хавсралт

МАЯГТ 2
ТУСГАЙ ЗӨВШӨӨРӨЛ ОЛГОХ СОНГОН ШАЛГАРУУЛАЛТЫН
ҮНЭЛГЭЭНИЙ ТАЛБАЙН НЭГТГЭЛ

..... оны ... дугаар сарын ... –ны өдөр
.....
(аж ахуйн нэгжийн нэр)

.....
(талбайн нэр)

(аймаг, нийслэл)

(сум дүүрэг)

д/ д	Оролцогч ийн нэр	Үнэлгээний үзүүлэлтүүд	шалгуур	Комиссын гишүүдийн үнэлгээний оноо						Дунда ж оноо	Тайлбар	
				гишү үн	гишү үн	гишү үн	гишү үн	гишү үн	гишүү н			
1	2	3		4	5	6	7	8	9	10	11	12
1		ТЕХНИКИЙН ҮНЭЛГЭЭ										
		Геологи хайгуулын ажил явуулах төслийн баримт бичгийн үнэлгээ										
		Геологи хайгуулын ажлын туршлага										
		Мэргэжлийн боловсон хүчнээр хангагдсан байдал, тэдгээрийн туршлага, чадвар										
		Техник, тоног төхөөрөмжөөр хангагдсан байдал										
		Нийт гишүүдийн техникийн онооны арифметик дундаж										

Үнэлгээг баталгаажуулсан:
Үнэлгээний хорооны дарга

/...../

Үнэлгээг баталгаажуулсан:

Үнэлгээний хорооны дарга

/...../

Үнэлгээний хорооны нарийн бичгийн дарга

/...../

Үнэлгээний хорооны гишүүд

/...../

/...../

/...../

/...../

/...../

/...../